



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Balvzii Miscellaneorum Liber ... Hoc est,
Collectio Veterum monumentorum, quæ hactenus
latuerant in varijs codicibus ac bibliothecis**

Baluze, Etienne

Parisiis, 1679

Ejusdem Paschalis epistola ad Ioannem Priorem Ecclesiæ beati Petri de
Valeriis in Septimania.

urn:nbn:de:hbz:466:1-14735

testimonium efficaciter admittatur, nec propter ecclesiasticæ clientelæ obnoxietatem, si alia non impediunt, eorum testimonium refutetur.

Ego Paschalis catholica Ecclesiæ Episcopus subscripsi.

Datum Beneventi per manum Iohannis sanctæ Romanæ Ecclesiæ Diaconi Cardinalis ac Bibliothecarij IX. Kalendas Februarij, Indictione sexta, incarnationis dominicæ anno * M C X I V. pontificatus * M C X I I I, autem Domni Paschalis secundi Papæ anno X I V.

*EIVSDEM PASCHALIS
epistola ad Iohannem Priorem Ecclesiæ
beati Petri de Valeriis in Septimania.*

Paschalis Episcopus servus servorum Dei dilecto Anno 1114, filio Iohanni Priori Ecclesiæ beati Petri de Valeriis ejusque successoribus canonicè substituendis in perpetuum. Apostolicæ sedis auctoritate debitoque compellimur pro universarum Ecclesiarum statu satagere, & earum maximè quæ sedi eidem tanquam jure proprio subjectæ sunt, quieti auxiliante Domino providere. Eapropter, fili carissime Iohannes, petitionibus tuis non immeritò duximus annuendum, ut Ecclesiam sancti Petri de Valeriis, cui per nostram institutionem Deo auctore præsides, apostolicæ sedis privilegio muniremus. Is siquidem locus, licet incultus ac solitarius, cum ex traditione veteri beati Petri nomine haberetur insignis, à possessoribus loci, dominis videlicet Rainardo Amati & filiis ejus Bernardo & Ermengaudo, per manus Framaldi apostolicæ Ecclesiæ Presbyteri in jus ac possessionem sedis apostolicæ traditus est, ac deinceps multorum fidelium collationibus ampliatus. Ipsum itaque lo-

cum ab omnium mortalium potestate, invasione, opprobrio, ac gravamine liberum semper manere decernimus, sicut in presentis octava Indictione finibus ambitur, scilicet ab ipso colle super Guaidam inde super Montem Rotundum, & super intium vallis leporariae, inde ad alodium de Bochet, usque ad ipsum Portellum, inde ad Pertusatas & Guaitam, & super Embriciatas, & super campum Ardonis & super Malam Celatam usque ad mare. Quicquid itaque infra hos fines continetur, cultum sive incultum, sive pascua, piscariae, stagna, salinae, cum decimis & primiciis seu aliis pertinentiis suis, totum integrum ac illibatum in usus praefatae Ecclesiae beati Petri ac servorum Dei ibidem degenitium conservetur. Quicquid praeterea in praesentis octava Indictione eadem Ecclesia legitime possidet, vel in futurum largiente Deo, concessione Pontificum, liberalitate Principum, vel oblatione fidelium iuste atque canonicè poterit adipisci, firma vobis vestrisque successoribus & illibata permaneat. Laicos sane seu Clericos seculariter viventes ad conversionem suscipere nullius Episcopi vel Praepositi contradictio vos inhibeat. Sepulturam vero ejusdem loci omnino liberam esse decernimus, ut eorum qui illic sepeliri deliberaverint devotioni & extremae voluntati, nisi forte excommunicati sint, nullus obsistat. Ad haec adicimus ut nulli Episcoporum facultas sit locum ipsum interdictioni vel excommunicationi subicere vel aliquos ab ejus officiis & oblationibus prohibere, ut fratres iidem Romanae libertatis gratia potentis omnipotentis Dei servitio licentius vacare praevaleant. Chrisma, oleum sanctum, consecrationes altarium, ordinationes Clericorum qui ad sacros sunt ordines promovendi, ab Episcopo in cujus diocesi estis accipietis; si quidem gratiam atque communionem apostolicae sedis ha-

buerit, & si ea gratis & sine pravitate voluerit exhibere. Alioquin liceat vobis catholicum quem malueritis adire antistitem & ab eo consecrationum sacramenta suscipere; qui apostolicæ sedis fultus auctoritate quæ postulatur indulgeat. Decernimus ergo ut nulli omnino hominum liceat eandem Ecclesiam temerè perturbare, aut ejus possessiones auferre, vel ablatas retinere, minuere, vel temerariis vexationibus fatigare; sed omnia integra conserventur eorum pro quorum sustentatione & gubernatione concessa sunt usibus omnimodis profutura. Ad indicium autem perceptæ à Romana Ecclesia libertatis solidos quinque denariorum Lucensium quot annis Lateranensi palatio persolveretis. Si qua igitur in futurum ecclesiastica quælibet secularisve persona, hanc nostræ combitutionis paginam sciens, contra eam temerè venire tentaverit, secundò tertiove commonita si non satisfactione congrua emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat, & à sacratissimo corpore & sanguine Dei & Domini Redemptoris nostri Iesu Christi aliena fiat, atque in extremo examine districtæ ultioni subjaceat. Cunctis autem eidem loco justa servantibus sit pax Domini nostri Iesu Christi; quatenus & hic fructum bonæ actionis percipiant, & apud districtum judicem præmia æternæ pacis inveniant. Amen.

Ego Paschalis catholica Ecclesia Episcopus.

Datum Laterani per manum Iohannis sanctæ Romanæ Ecclesiæ Diaconi Cardinalis ac Bibliothecarij quarto nonas Decembris, Indictione octava, incarnationis dominicæ anno millesimo centesimo decimo quarto, pontificatus autem Domini Paschalis secundi Papæ decimo sexto.